

小兒丹發兩臂赤起如李子名鬼火丹治之

方 景天草伍兩蛇銜草叁兩杵如泥以雞血調塗

戎鹽壹兩附子壹枚燒灰為末雄鷄血調塗



張氏戎鹽散

戎鹽 壹兩

附子 壹枚

雄黃 半兩水飛

右同研為末每用少許以雄雞血調塗

顱頤經治鬼火丹從面上起以雞清調竈下土塗立

差

野火丹

聖惠小兒丹發赤斑斑如梅子遍背腹名野

火丹

千金凡遍身皆赤者名野火丹

雄黃戎鹽

各半兩爲末雞白調頻塗以差爲度 竈中黃土壹
兩青竹葉貳兩燒灰爲末雞白調塗 白殭蠶二七
箇護火草壹兩杵爛塗之 酒塗 油塗 雞清和
赤豆末封之遍身者合塗之令遍

家火丹

聖惠小兒丹初發着兩頰兩髀上兩腋下

家火丹 梓木白皮蓼葉各叁兩燒灰雞白調
塗之以差爲度

嬰孺方治家火丹攻喉入腹大不利方

用硝石凝水石銅器中乾研服方寸匕

又方烏頭壹分赤石脂叁分研細雞清調塗神良

殃火丹 聖惠小兒丹初發兩脇及腋下腿上謂之殃

火丹用川朴硝研爲末每服以竹瀝調下半錢更量
兒大小加減 浮萍杵汁時時服之 千金用伏龍
肝爲末生油調塗乾易之若入腹及陰絞護火草汁
服之

張渙拔毒散 川朴硝壹兩梔子仁半兩爲末醋調塗

又方 山梔子仁肆兩生鯽魚半斤同杵如泥每以醋化

少許塗丹上兼治神火丹

殃火丹 聖惠小兒丹發兩脇不過一日便赤黑謂之

神火丹 景天草花絞汁先微揩丹上後塗之以差

為度 鯽魚半斤杵如泥塗之頻塗為良 醋調施

子仁末塗

熨火丹 聖惠小兒丹發如灼在脇下正赤初從額起

或從耳起而多痛名熨火丹 赤小豆合壹硝石半寒

水石分壹為末每以冷水調半錢日三服量兒加減張氏

用冷水調塗 竈中黃土合壹生油貳同研如泥時用塗之

以差為度若痛上陰不治即殺人也 景天草杵爛

以醋調塗

朱田火丹 聖惠小兒丹先發於背遍身一日一夜而

成成 治法取棘根煮汁洗之若已成

瘡用小豆末傅之未成瘡卽以鷄清調小豆末傅

藍靛塗 雞清塗

天龍火丹 聖惠小兒丹發兩脇裏尻間正赤流至陰

頭赤腫血出者是也治之方

薺葉 參兩

赤小豆 壹合

煨爐門上灰 壹兩

青羊脂 參兩

葱白 貳莖切

右相和杵如膏 乏燥再磨之

又方 細辛 壹兩 糯米 壹合 景天草 參兩 杵如泥塗丹上差

又方 伏龍肝去小豆等分爲末雞子白調塗 又

桑根煮汁浴之 車前子爲末水調塗 蠶沙一升

水煮去滓洗 鐵落末 錫和如膏塗 杵生浮萍傳

千金云小兒丹從髀起小兒未滿百日犯行路竈君

若熱流下至陰赤腫血出以雞清調伏龍肝傳 又

以鯽魚肉同赤白豆杵爛入少水和傳

廢龜火丹 聖惠小兒丹發從足趺起正赤者是也治

之方

寒水石

硝石 各半兩

莽草 壹兩

右爲末每以新汲水調下半錢更量兒大小加減

張氏用
水調塗

又方

赤小豆

壹兩

牛角

貳兩
燒灰

右爲末雞白調塗

又方五加葉根五兩燒灰以鍛鐵槽中水調塗
棗樹根水煮汁浴三五次 桑根煮汁洗

尿竈火丹

聖惠小兒丹發膝上從兩股起及臍間走

入陰頭者是也治之方桑根白皮壹斤剉以水七升
煮四升去滓看冷熱避風浴之 李樹根半斤燒灰

爲末取田中流水調塗 以屋四角茅草燒灰爲末

雞白調塗 以桑白皮李根同剉煎湯洗之

亦流 聖惠夫小兒身上或一片片赤色如臙脂及漸

引此名丹毒俗謂之流若因熱而得者色赤或因風而得者色白皆腫而壯熱也可用一鉞刀散鑱去惡血毒未入腹者可療也

服治小兒心熱身上赤流色如臙脂皮膚壯熱升嘔

川升麻

川大黃

劉微炒

川朴硝

玄參

各半兩

犀角屑

黃芩

梔子仁

木通

甘草

微炒
各壹分

右為末每服一錢水一小盞煎五分去滓溫服無

時量兒加減

千金台赤流丹腫疔赤小豆五合水和取汁飲之一

合良萍以傳五心

又服黃龍湯二合并傳患上

柴

胡湯去半夏
名黃龍湯

乳香散定疼

天仙藤

壹兩焙
乾為末

乳香

壹錢研

右每壹錢溫酒下

晏元獻公明効方牛黃散

治小兒初生至二三歲

一切風發赤白流走遍四肢方

牛黃

朱砂

蝸牛肉

全蝎

白殭蠶

天麻

白附子

乳香

麝香

各壹分

生龍腦

壹錢

螳螂翅

伍對五月中採

右十一味爲細末每服一字薄苛水調下初生小

兒洗了後用乳調少許塗口中胎疾永除

張渙方治小兒赤流熱如火宜用大黃散

川大黃

生

鬱金

黃藥

膩粉

猪牙皂角

去皮子各半兩

右爲末生油調塗

又方

護火草汁

參合

赤地利末

參錢

膩粉

壹錢

右相和量兒大小加減服之良久瀉下血片爲効

其滓傳在亦處亦佳

治小兒赤流半身色紅漸漸展引不止方

牛膝

去苗壹兩

甘艸

生半兩

右剉以水一大盞煎五分去滓調伏龍肝末塗効

又方

大黃

壹兩生

赤小豆

半合炒紫色

川朴硝

叁分

爲末

雞白調傳勿令乾

又方

李子油

叁兩

朱砂末

壹分

調如膏塗之

千金治小兒赤遊丹一日一夜卽成瘡先從背起漸

至遍身如棗大正赤色者用煮棘根洗法

其法已見朱田火丹

下所用藥同

藥

同

力斗三

三三三

玄胡散 治小兒赤流

玄胡索 壹兩

天南星 貳兩

朴硝 半兩

巴豆 貳柒個
去油

右為末芸臺汁調毛翎掃之

治赤流白流火燄諸丹等方

好生膽礬 壹錢

烏鰂魚骨 壹錢

蜈蚣 壹條全者
焙

麝香 叁拾文

輕粉 貳拾文

右一處乳鉢內研極細看丹多

用藥醋調令稀

毛翎掃丹上立止

治赤白流 雄黃 白礬 白世

壹為末水調掃

治小兒表裏受熱之甚忽發遍身赤腫狀似丹疹者
於腹中周匝則不可救名曰赤油腫此藥如神

胡荽

不以多少

右研取自然汁調水銀粉又曰輕粉鵝毛掃上病
處須臾赤色便變爲白或上有白癰子不妨或自
破亦無害乃是病去也調時不須太稠

聖惠方云取摩羅葉汁塗赤處隨手使瘡

幼幼書譚氏殊聖方歌云五遊忽發遍身形恐悚令

人怕怖驚乍睡刹那生滿體莫寃神鬼錯看承甘杲

硝石蒼龍骨感攝消磨去痛疼更取鐵槽連底水調

和頻掃便身輕宜消腫散

清泉硝石

白龍骨

各壹兩

右研勻淨器收以鐵槽水調一錢掃塗立差

身有赤處

聖惠小兒因汗為風邪熱毒所傷與無

相搏熱氣蒸發於外其肉赤而壯熱也

治小兒身上有赤引於頰上或口旁眼下赤如燕脂

向上皮即皴剝漸漸引多此是心熱血凝所為其治

法宜以小刀子鋒頭鐮破令血出後宜服丹參散

丹參

黃芩

枳殼

去白麩炒

葛根

犀角

鎔各壹分

麻黃

去根節

右為末每一錢水一小盞入竹葉十片竹茹半錢煎五分去滓放溫量兒加減無時服

治小兒身上有赤煩熱麥門冬散

麥門冬去心

蘆根剉

葛根剉

犀角屑

漏蘆

甘草炙微赤各半兩

右為末每服一錢水一盞竹葉十片去滓放溫量兒加減無時服

治小兒身上有赤或癰腫或如火丹煩渴渾身赤壯

熱鉛霜散

鉛霜研

菜豆粉各半兩

用芸薹菜自然汁調塗

又方

伏龍肝

壹兩為末

亂頭髮

貳兩煨灰研

水調塗赤處

又方

桃仁去皮研爛以面脂和塗

水煮黃蒿穗

濃汁入鹽少許溫服

細研白礬末生油調塗

杵

芭蕉根汁塗

杵水中苔水調塗

水調芒硝末

炒米粉令焦黑為末津唾調塗

生蛇銜草擣爛

塗

蛇纏丹

治蛇纏丹匝腰則死儔蒿芭爛塗或研蒿芭

子塗之

戴氏家傳用蘆箔上草繩經子燒灰同生

油調塗

廣利方杵馬齒莧傳之

土鬼丹

靈苑方治土鬼丹此病初發如湯泡頃刻則

大連發不已或至數處便能致困宜速治之方

赤足蜈蚣

壹條

雞腸草

金蕎麥

各壹分

銅綠

壹錢

麝香

少許

右為末如患者用針穿破却用針眼上度藥在丹
內上面用醋麵膏子掩之如人有患不覺數日後
喫食不得即先服下項藥

大黃

甘草

各等分

右為末新汲水下半錢或一錢立差

治土鬼丹及馬汗入瘡大効

烏梅

焙

糯米

杏仁

去皮
火研